



新刊臨川王荆公先生文集卷之四十九

外制

召試三道

節度使加宣徽使制

翰林學士除三司使制

誠勵諸道轉運使經畫材利寬恤民力制

皇姪宗實可起復舊官知宗正寺制

皇姪知宗正寺宗實可岳州刺史充本州團練使

制

司馬光知制誥制

司馬光改天章閣待制制

馮京權知開封府制

范鎮加脩撰制

趙抃兼侍御史知雜事制

韓縝改殿中侍御史制

沈立李大臨宋壽隆可三司戶部度支鹽鐵判官

制三道

李壽朋陸經張洞開封府推官制三道

王陶皇子伴讀制

施昌言知渭州沈遘知杭州李兌知鄧州制二道

李柬之判西京留守司御史臺制

王綽可三司鞠真卿知壽州何郊知永興軍潘夙

卿桂州制四道

余靖司馬光張瓌加恩制三道

賈黯蔡襄王珪范鎮馮京余靖李柬之轉官加勳

邑食邑制七道

呂公弼工部侍郎制

司馬光禮部郎中制

周沆右諫議大夫制

沈遘起居舍人制

掌禹錫趙良規並秘書監制

王綽秘書少監制

李丕緒少府監制

宋任呂公孺馬從先解賓王並太常少卿制三道

召試三道

節度使加宣徽使制

門下推轂授師擁旄乘塞控生殺之柄子外繫安危之體
于中國有顯庸宜膺寵數誕揚乎號明示廢工具官景學
足以通大方謀足以斷衆事有經天之業有扞城之材此
以明揚獲更煩使遂躋膺仕良副訐諛維塞路之要藩實
兵防之重寄職爾鎮撫紆予顧憂蓋爵賞之加不遺於近
小豈藩維之任顧可以弭忘用是疇其展采之勞寵以宣
猷之號嘆人謀之衆允匪朕志之汝私大任而者其憂不
可以不深位高者其責不可以不厚號名之美禮秩之崇

非期假寵以擅榮茲用論功而取稱矧扶守國之固謀王
之師聯輔相之籍於殿中居士民之瞻於天下其思祇慎
以副褒優可

翰林學士除三司使制

勅三司使天下之盛選也自尚書六官名存實去而三司
之職爭所總居多則非夫仁明肅艾足以輔世濟物者奚
宜任此哉具官某有疏通之才有直亮之操闕言宗議足
以經綸王家尚文典策足以鼓動當世遂以人望揚于禁
林若夫施政之後先生財之本未蓋嘗深思而熟講殫見
而洽聞則居天下之盛選主朝廷之大計詢考在位孰如
汝宜夫聚天下之衆者莫如財理天下之財者莫如法守

天下之法者莫如吏維予任汝其聽勿疑法之不善者汝
得以議而更吏之不良者汝得以察而去則夫調度之不
時費出之無常邦用之不給元元困於征求而愁怨於下
者直汝之耻也夫行已有耻而後可以為士矧吾左右信
任詢謀所同而觀聽之所在者乎往祗厥官其亡以寵利
而為上耻可

誠勵諸道轉運使經畫財利寬恤民力制

夫閔仁百姓而無奪其時無侵其財無耗其力使其無憾
於衣食而有以養生喪死此禮義廉恥之所興而二帝三
王誠勅百工諸侯之所先後世不可以忽者也朕夙興夜
寐聽治不怠園游宮室之觀無所增餘而躬以節儉先天

下之士然而不忍人之政考諸先王未有以及之也凶年
飢歲民之父子夫婦猶有不得保其家室而放乎溝壑意
者吏或不良不知所賑救省憂之方而使之至此耶今
吾別諸道置使者使得察吏之良否而視民之疾苦輒具
以言而任事者或不惟朕志之所急而以侵牟之為故甚
非所以遣使者慰安元元之意也夫轉輸天下之財以給
有司之費皆有常數而無橫求誠能御輕重歛散之權而
禁因緣之姦則何患乎經入之不足彼前世良吏能紓其
民而官事亦不耗廢者豈有他哉亦在乎勉之而已若乃
操聚斂之贏以為功而不知百姓與足之義非惟逆於朕
志而有司考績之法亦將不汝容焉朕言維服其聽毋怠可

皇姪右衛大將軍岳州團練使宗實可起復舊
官泰州防禦使知宗正寺制

勅先王糾合宗族而分職以治之所以嚴宗廟也宗廟嚴
則禮俗成而天下治其事豈可以輕哉今朕選於近屬以
修宗正之官亦先王治親之意也以爾具官其惠仁孝恭
忠信純篤故遷厥位以稱禦侮之實而使任事焉夫士之
欲於政未有不學而能者學所以脩身也身修則無不
治矣朕言維服爾往懋哉可

度支員外郎充祕閣校理李大臨三月度支判官制

勅某天下之食貨皆賴於三司故朕常難於置使而又考
慎其屬以稱之文學為官而政事官有所試清明敏達可使
治煩往踐厥官知所守矣可

皇姪右衛大將軍泰州防禦使知宗正寺宗實
可岳州刺史充本州團練使制

勅孝子之思慕無窮而送終有既者先王之禮也具官某
祗慎克孝能良於喪去位家居三年於此矣其還位號復
序內朝朕命維新往欽無斃可

起居舍人直祕閣同修起居注司馬光知制誥
制

勅先王誥命之文何其雅馴而與美雖出命非有司之事
而討論潤色蓋有助焉以爾具官其操行修潔博知經術
庶乎能以所學施於訓辭俾掌贊書往諧朕志可

起居舍人直祕閣同修起居注司馬光改天章

閣待制制

勅揚雄曰周之士也貴秦之士也賤周之士也肆秦之士也拘蓋堯主以禮讓爲國士之有爲有守得伸其志而在上不敢以勢加焉朕率是道以君多士以爾具官其文學行治有稱于時故明試以言使司告命而乃固執辭讓至于八九段序厥職以伸爾志是亦高選往其懋哉可

翰林侍讀學士右正言馮京改翰林學士知制誥權知開封府制

勅學士職親地顯而開封典治京師非夫忠厚仁恕而有文學政事之能孰可以任此其官其造行直方受材博敏踐更中外休顯有稱論禁林戶正畿甸詢謀惟允其往懋哉可

范鎮加修撰制

勅昔周人藏上古之書以爲大訓而孔子春秋天子之事也蓋夫討論一代之善惡而撰次以法度之文章非夫通儒達才有識足以知先王不欺足以信後世則孰能託尚書春秋之義勒成大典而稱吾屬任之指乎以爾具官其有該通之材有純潔之操辯論深博溢於文辭論思禁林時議惟允則夫察善惡見聞之實斷是非去取之疑人之所難宜以命爾爾其精思熟考自勉以古之良史毋襲近世比事屬辭之失使來者無所考稽可

右司諫趙抃禮部員外郎兼侍御史知雜事制
勅某朕置御史以爲耳目非更事久而能自稱職則不以

知雜事也以尔嘗任言責有猷有爲行義之修士人所喜
故遷卽位使在此官悉其誠心迪上視聽義之與比時乃
顯哉可

屯田員外郎韓績改殿中待御史制

勅某朕使學士五人舉二人以爲御史又於二人擇取一
人而以汝爲之汝名臣之子世載榮問愷悌忠信學知大
方無蔽于儉人無撓于大吏無迪上以非先王之典而同
乎流俗時汝稱職往其勉哉可

兵部郎中沈立可依前官充三司戶部判官制
勅某擅一道之財而開闔斂散之以給縣官之費而又察
奉吏士之賢不肖問民之疾苦與夫入佐三司而四方之

言利者必稽焉其職事之責等爾汝以才能屢試而行義
加修使于東南歲月久矣還禔掌計之治所以慰將命之
勞惟爾博學多聞固嘗知夫百姓與足之義古人有言曰
尊其所聞則高明行其所知則光大矣可不勉哉可

金部郎中朱壽隆三司鹽鈔判官制
勅某取於山海之無窮以助縣官之不給所以開闔欽散
之不可以無術也非去廉辨敏明之吏孰能任此者乎尔
純行美材久於煩使往共厥服維是勉哉可

度支員外郎李壽朋開封府推官制

勅某朕布大慶於天下惟士之有能有為而不獲盡者豈
一日而忘哉尔以政事之材而濟之文李無所避憚以修
厥官陷于吏議夫職久矣手正歲旬四方所瞻如往佐之
以永民謌可

殿中丞充集賢校理陸經開封府推官制

勅其天下無事休養生息百年於此而京師之人衆矣獨
開封以一尹治之故朕常慎擇材士以為之佐庶幾乎其
不勞而治也尔材茂實美久於涇阨而智能彌劬行義加
修姑使治煩徃其自勉可

太常博士充集閣校理張洵開封府推官
制

勅其開封任重事叢於常律才士以為之佐尔以文章學
問列職校讎出誠一州風績彌膺此遴選徃其勉哉可

左司諫王陶皇子伴讀制

勅其自天子至於士永有不待孝而成者今朕欲進諸子
於孝求可與居者而大臣以尔為言爾久在諫王有聞於

世茲惟慎選可不勉哉可

樞密直學士施昌言知渭州制

勅夫出河秘文中嚴於禁閣臨渭以分閫外肅於戎亭進陪
侍從之聯徃膺經畧之寄茲為田大教授受惟艱具官施某
才劭兼人間望映世早據素蘊以階清途南探計庭裨贊
之功可紀西廂樞府論思之効尤彰泪出總於藩條且屢
制於邊瑣事經畢舉政績用成官身餘杭之符就撫臣羌
之塞爾其坐護諸將善固吾圉而今而後無西顧之憂者
繫爾之力可不勉哉可

龍圖閣直學士知河陽學士充給事中依前龍圖
閣直學士知鄧州制

勅鄧於京西為一都會提兵以守常擇太吏且有加命寵
榮其行具官某寬和靜深方厚實嘗由御史遂為諫官
延閣侍從之班方維帥守之任始有績效見於事為序于
東省之華寄以南陽之重按撫吏士治軍牧民敷宣詔條
鎮靖風俗繫汝能力往其勉哉可

龍圖閣直學士李東之刑部侍郎充集賢院學
士判西京留守司御史臺制

勅古之仕者難進易退陵夷至於後世而禮義無幾乎
息恬於勢利者鮮矣而苟得躁進者不乏於朝教之未孚
朕甚患之顧吾左右親近之臣行義合於古之仕者宜從
其志使在位之貪員者有愧而慕焉且其官之任者宜從
其教出備其任之任入為侍從之官而乃力辭讓榮退

開職別都執憲地青用務問時峻秋官之秋仍通麗正之班
吾進爾嘉其性居自心可

知雜王綽吏部郎中直龍圖閣知徐州制

勅某知雜御史於朝廷之士為高選非精明疆直不能稱
其任也爾更踐多矣有聞於時故從遠方召置此位乃以
病告至于再三出臨大州進直嚴閣又增郎位以寵爾行
其亦懋哉往共厥服可

集賢校理鞠真卿可光祿寺丞依舊充集賢校
理知壽州制

勅某付之千里之地能禁暴去悍拊循鰥寡使良民有以
休息而吏不敢為侵冤豈非所謂能者哉若爾之材歷選
于朝而又試于外固時之所謂能者朕所加省而不忘今

夫壽劇郡也故徙汝以治之而稽汝歲功當得遷位丞于
光祿其往勉哉可

何郊知永興軍制

勅朕初即位慎考俊又之臣付之方鎮具官某廉清質直
敦大詳敏藝文之學政事之材左右具官以有聲績作國
西屏雍維大都鎮撫一方老成足賴序遷厥位往牧其人
其勵猷為以膺任屬可

潘夙轉官知桂州制

勅某桂於西南為一都會蠻夷充忽鎮撫有宜故於用人
常慎其選爾清明敏達寬博惠和更事有功簡在朝論遷
序即位往其勉哉可

大下閣待制司馬光制

勅陟齊左司朕躬之闕者至親篤信之臣也邦有大資
其可以後而忘乎其官某政事藝文操行之美有聞於世
簡在朕心相時明裡死事惟謹進階序爵其往懋哉可

尚書戶部郎中知制誥張瓌制

勅朕宗祀先帝以配昊天而均福釐於在位疏遠微賤
無遺者矣又况於侍從之臣乎具官某德厚資深志方行
絜身小義命為世寶臣考慎樂禮相時大事進階序爵其
往懋哉可

翰林學士知制誥賈黯轉官加勳邑制

勅朕初即位奉行先帝故事不敢有勞也具官某剛毅

篤實閔深博敏 先帝所遺以論思左右者也其遷厥位
加賜恩典其往欽哉可

翰林學士知制誥權三司使蔡襄轉官加食邑
制

勅朕公若 先帝之初大賚以勞天下職親地禁之臣皆
先帝所遺以助朕者也其可以後而忘哉具官某率德
秉義以綏寵祿主國大計功昭于時班命有章往欽無斁
可

翰林學士兼侍讀學士知制誥充史館修撰王
珪轉官加食邑制

先帝授天下之艱以屬朕身永惟所與濟此者豈非左右

之良哉具官某秉格迪義士民所望論思潤色有補於時
大賚之恩外通四海況於親近豈可以忘往服寵章愈其
慎茲可

翰林學士知制誥充史館修撰范鎮轉官加勳
邑制

勅朕雖哀恫永惟付託之重不敢忘 先帝寵綬海內
厚群臣之意具官某敦大閔博清明敏達職親地密為國
信臣遷尊位等申之恩典惟慎厥服往膺顯榮可

翰林學士知制誥權知開封府馮京轉官加勳
邑制

先帝以盛德成功克終天祿眇然在茲永念嗣訓非左右

之良孰與濟此哉具官某秉哲蹈義士民所望尹正京邑
管肅流聞邦有大賚當由貴始往膺榮祿無替厥脩可

集賢院學士余靖轉官加勳邑制

先帝君臨天下餘四十年功德之所及博矣非文武之士
協力中外何以致此哉在後之侗纂修成法敢志大賚以
勞象工具官某敦大閑深清明敏達蕃屏帝室厥功茂焉
恩典寵章往其欽服可

集賢院學士李東之轉官加勳邑制

先帝棄天下不及班命以勞群臣朕繼大統其承厥志具
官某蘊靜思恕濟以詳敏能紹世美為時名臣膺服寵章
往其思勵可

龍圖閣直學士給事中呂公弼改下部侍郎制

張德序功制為祿位 先帝所以熙廢政也朕雖在疚
所不敢忘具官某保身慎行舊有榮聞陟降左右是為世
臣惠綏西南風績尤顯久官之貳其往欽哉可

待制司馬光禮部郎中制

勅左右侍從之臣皆 先帝所遣以助其政理者也有勞
可錄朕敢忘哉具官某行義信於朝廷文孝稱於天下比
更任使會課當遷進位二等以加爾績爾方以經術入侍
而又兼諫爭之官往其思致厥身使朕之聰明無所不通
爾亦維有無窮之聞可

周沆右諫議大夫制

勅堯舜黜陟幽明之法其詳不見於經蓋其考績之次序必始於朝廷之貴者朕率是道進退百官故於邇臣無有私德以爾具官某忠厚謹潔惠和寬博掌被方維之重任久矣侍從之要官內外之勞皆宜有賞而以稱士失實控于吏議為即武部七歲于茲著論積功進位西省夫職在盡規之地官又以諫為稱維是將明往其思勉可

右正言知制誥知越州沈遺起君舍人制

勅列名侍從分職方維厥有屬勳朕其甄序具官某端良足以有守精敏足以有謀為時實臣典掌明命出撫州部治聲流聞內外之勞進遷惟允存官二等以懋厥勤是謂寵榮往其祗服可

掌禹錫趙良規並祕書監制

勅祕書圖籍藝文之府而置監在光祿衛尉諸卿之右其材實德望當有以稱之以爾具官某等歷官茲多服采惟謹序于卿位簡在朝廷宣布詔條討論典故久於任使亦各有勞宜推增秩之息以信懋功之法往從官次無或不祗可

王綽祕書少監制

勅朕初嗣位大賜天下文武在位各以序遷具官某出入踐更名聞休顯奉常之副用勞厥勤乃辭官榮以避親諱緩予孝子改貳祕書往服寵章靖共無教可

光祿少卿李丕緒少府監制

勅少府古官於朝廷之位尊顯矣其官某行義祇飭材能敏達外更器使績用每成有司以聞又當增位往膺秩物無怠厥修可

司封郎中朱任太常少卿制

勅士以序遷至於卿位亦崇矣非才智有以任事行義有以保身豈能致此具官某中外踐更久於郎選明習衆事見稱於時往即厥任勉之無斁可

江南西路轉運使呂公孺太常少卿制

勅某太常蕪斐與伯夷之事非夫藝實德望有以過人孰宜為之貳也爾名相之子以才見稱出入踐更休有風績序遷厥位其往欽承可

職方郎中通判太原府馬先太常少卿制

勅某太常禮秩異於諸卿非文季入官則不得為其貳也以爾行治之美才能之敏踐更久其有可稱會課于朝躋登此位往來自稱惟既厥可

解賓王太常少卿制

勅某今之太常蕪斐與伯夷之官非士公寅恭清明博習於禮樂則孰能為之貳也今朕考行序立而以爾為貳於太常維爾嘗以材稱而屢更任使雖身在外而名位亦云顯矣所以稱此者可無勉哉可

新刊臨川王荆公先生文集卷之五十

外制

三司鹽鐵副使陳述古衛尉少卿制

鄭丞光祿少卿制

林億司封薛永司勳郎中制二道

齊恢度支張景憲金部郎中制二道

陳述古司封郎中趙抃戶部員外郎張燾刑部郎中制三道

朱處約孫抗孫琳並祠部郎中制三道

王陶杜千能祠部張燾兵部郎中制三道

苗振職方王舉元刑部郎中制二道

王綽刑部郎中制

胡況周燮都官宋孝孫比部郎中制三道

錢暄比部王繹工部郎中制二道

李章周延雋實綱卜紳朱從道晁仲綽鄭隨並屯

田郎中制七道

杜訢屯田員外郎制

薛仲孺虞部郎中制

楚建中邢夢臣王昇張師顏晏成裕並司封員外

郎制五道

蔡抗度支員外郎制

蘇榮王益柔並兵部員外郎制二道

錢公輔祠部員外郎朱延世虞部鄭仲如馬部員外郎制三道

許遵陳汝羲章俞韓繹劉牧王易知並職方員外

郎制六道

謝景初何世昌陳安道晁仲約唐諲林大年並都

官員外郎制六道

胥元衡李處厚並屯田員外郎制三道

呂元規可駕部員外郎制

吳充劉敞轉官制二道

劉覺等轉員外郎制

王伯恭王允李正臣劉叔宝轉官制四道

三司鹽鐵副使陳述古衛尉少卿制

勅其考課黜陟之法雖踈逸未嘗不信又況於近而顯者

乎具官某以才自奮能世其家出入踐更休有風績列卿之貳其往勉哉可

郭永可光祿少卿制

勅某外廷之位能至於九列者少矣具官某踐更衆職功善自昭年除歲遷以致卿位進寵一等往承惟休可

林億司封郎中制

勅某朕有官祿慶賞以序功而其施始於朝廷之近爾以藝文被選而多所踐更通籍禁中庀官闕下序遷郎位既極左曹往即寵榮愈其勵勉可

薛求司勳郎中制

勅某朕布大號在廷文武之士皆得進官一等而我闕當子者又各得以序遷爾中外踐更以才自顯所此因典故往其勵哉可



權提點成都府路刑獄齊恢度支郎中

勅某朝廷選實才臣以使諸路而察廢獄之不辜厥有庸勲朕當甄序爾才能行義士論所稱會諫有司宜膺遷法往膺休顯其愈懋哉可

淮南轉運副使張景憲金部郎中制

勅某入佐三司出使諸路皆朝士大夫之高選有勞當錄其可忘哉爾行義之修才能之邵見稱當世簡在朝廷會課進官往其勉服可

三司鹽鐵副使陳述古朝奉大夫司封郎中三

司度支副使趙抃戶部員外郎加上輕重都尉

權三司戶部副使張壽朝散大夫刑部郎中制
勅某人等朕初嗣位奉行先帝故事不敢有廢也具官
某等行義稱於世才能見於朝佐國大計為功多矣序遷
位等其往欽哉可

朱處約祠部郎中制

勅某爾嘗為御史持論不阿出守方州稍遷使任序功增
秩邦法有常往懋厥脩以須進選可

孫抗孫琳祠部郎中制

勅某人等都水之官廢久矣朕脩之而用爾為丞爾維才
能懋建厥事有司論課當以時遷進序名曹往祗無數可

提點福建路諸州刑獄公事王陶祠部郎中制

勅某朕選置使者清明于諸路所以待之非輕也爾踐更
衆矣才美有稱備在遠方能脩其職進遷位等往愈懋哉
可

權提點廣南西路刑獄杜千能祠部郎中制

勅某朕初即位群臣朝者皆增位一等有功當遷又皆得
以序進爾材請行治見稱於衆奉使于外治聲流聞會課
進官往其祗服可

三司戶部副使張壽兵部郎中制

勅某考績三歲進官一等先帝所以勵群臣也具官某
秉哲迪義有聲于時能勵厥脩以宜官政序功增位其往
欽承可

苗振職方郎中制

勅某尚書郎中序列五品其於朝廷之位亦已顯矣爾用
迭擢嘗更任使積功久次得在此位所若三歲宜進一官
至今而後得遷乃以爾嘗有謫朕於黜陟豈苟然哉自爾
取之而已往思自勉以稱褒升可

王舉元刑部郎中制

勅某薦非其人而與其罰古之道也爾以才實外更任
使風績之邵靡人不稱而任舉有失法當坐免雖更赦令
猶褫一官以懲上報之稽而塞人言之衆庸踐厥服往其
勉哉可

侍御史知雜事判都水監王綽刑部郎中制

勅某御史皆吾耳目之官而折百工以法刑之中者也考
其功狀在法當遷則吾豈可以忘哉以爾其官其忠厚諒
直有稱於世踐更衆職皆以能聞故寘之臺中位次執法
名實之善允于人言姑醕積功序進一等位亦顯矣往其
勉哉可

胡況都官郎中制

勅某爾以才行自昭于時外分將符內序郎位致勤厥職
三歲于茲稽有司法當增位進遷一等其往懋哉可

周燮都官郎中制

勅某褒善錄勤邦有常法爾以才能行義登顯朝廷序正
即位三年於此矣進遷一等以懋厥勸勵治我民乃其能

稱可

宋孝孫此部郎中制

勅其褒功錄善邦法有常爾共厥官服采惟謹久於郎選
曾課當遷愈其勉哉以稱新命可

監在京都鹽院錢暄此部郎中制

勅其古者官有職而命有數非有職不足以序群才非有
數不足以差衆功今官有品猶古之命數也命之數自一
推而工之至于九官之品自九推而上之至於一大略蓋
無以異而其詳如此不同唯其欲得賢者之在位則古今
一也爾以才能行治進序於朝年除放授既得列於五品
久於職事法又當遷其不可謂寵榮光顯矣其思自勉以

稱吾欲得賢者在位之意哉可

三司戶部判官充祕閣校理王繹工部郎中制

勅其三司理才之吏與館閣校文之官皆朝廷雋乂之選
也其於進秩有異數焉爾以藝文世家而祇慎謹飭久在
此位有勞當遷序于名曹其往思稱可

李章屯田郎中制

勅其褒善錄勤朝廷之政爾才能行治比見推稱會考績
之法當增位序進遷一等其往懋哉可

周延雋屯田郎中制

勅其郎中五品而司田以待藝文之士爾大臣之子強學
贍辭出典一州序功當進往祇厥位其克懋哉可

職方員外郎實綱可屯田郎中制

勅某漢明不以郎官假貴戚以出宰百里為不可以非其人今之郎選其重非漢比也而郎中序于五品其授豈可以輕哉爾以文藝起家以吏能從政序遷此位嘉寵爾勞往服訓辭勉求報稱可

職方員外郎卜伸可屯田郎中制

勅某郎中序列三等其品皆為第五非積功久次則不得至焉爾以文藝入官而濟之謹潔久於任使當得進遷茲維爾階其往祇服可

職方員外郎朱從道可屯田郎中制

勅某尚書郎選於今為重而郎中列于五品而精敏強異

号為才臣積功累勤以致世位往共厥服其懋哉可

晁仲綽鄭隨可屯田郎中制

勅某郎中序列五品非久於任使有勞而無罰則罕得至焉爾以文藝起家以才能為吏稱功累善當得進遷往其懋哉思稱新命可

太常博士權御史臺推官杜訢可屯田員外郎

制

勅某尚書郎位吾所重也爾大臣之子行義修

譽而職事無過審官稽狀當以時遷新命維

可

駕部員外郎薛仲孺可虞部郎中制

勅某郎中五品於朝廷為顯位爾悉心為吏才敏見稱嘗
所踐更咸有功最進遷惟允其往懋哉可

提刑楚建中可司封員外郎制

勅某朕置使者以察天下之獄其選擇甚難而覘過之其
厚存功錄善其可忘乎爾行治才能有聲於世服官惟稱
會課當遷以懋爾勞往其祗訓可

侍御史邢夢臣可司封員外郎制

勅某侍御史於御史之選為高而尚書郎以司封為前列
爾才能行義嘗見推稱於有言職為一臺高選任責未久
序勞當遷在副司封愈其自勉可

都官員外郎充祕閣校理王并可司封員外郎

制

勅某爾以藝文高第進仕朝廷廉靖謹良有稱於世校文
祕閣典事方州甄存歲勞進遷惟允其共厥服其愈懋哉
可

權梓州路提刑都官員外郎張師顏可司封員

外郎制

勅某爾修潔精敏達於從政嘗更任使皆以才稱改以一
路之庶獄寄之督察方行就事會課當遷往懋厥修以求
稱職可

度支員外郎充崇文院檢討晏成裕可司封員

外郎制

初某爾以文藝之孝在討論之官丞于太常典掌禮樂有
勞可錄其以序遷於世大家爾為能保往思淑慎無廢厥
勤可

祠部員外郎充祕閣校理蔡抗可度支員外郎
制

勅某序功錄最邦法有常惟敏厥修乃能自稱爾以校讎
之選受吾番屏之寄材能行治且譽於時而會課有司番
遷厥位官無虛授往可勉哉可

權利州路轉運使度支員外郎蘇宋可兵部員

外郎制

勅某朕欲明清于吏民而擇使以蒞之非特使之轉貨財

以贍有司而已也爾彊敏謹潔達於從政往充其選克有
成勞序進一官愈祇乃服可

三司監鐵判官度支員外郎集賢校理王益柔
可兵部員外郎制

勅某任賢使能而繼之以黜陟先王之所以治未有改此
者也爾惟賢故序于校讎之職爾惟能故列于會計之官
稽狀有司法當增位其遷一等以懋爾勞可

太常博士充集賢校理同脩起居注判三司度
支句院錢公輔可祠部員外郎制

勅某序功黜陟邦法有常爾文章博美行義純潔施於政
事又以材稱會課進遷蓋維常法往祇厥位其亦懋哉可

國子博士朱延世可虞部員外郎制

勅其尚書虞部掌天下之山澤而脩其時禁即官職事雖廢而官名猶貴於時非歷試而有勞即不得以在此位若爾之潔廉畏慎蓋知所自保矣其愈懋哉可

比部員外郎鄭伸可駕部員外郎制

勅其爾勤敏謹潔以脩厥官會課有司當得遷位司輿之副其往懋哉可

都官員外郎許遵可職方員外郎制

勅其爾進以藝文而兼通律令之學故於為吏常以才稱第課有司當得進位祇予新命厥往懋哉可

都官員外郎陳汝羲可職方員外郎制

勅其審官之法吏有勞而無罪至於二歲則遷位一等亦所以勸也爾文學政事有稱於世又更任使會課當遷往服寵章愈其思勵可

都官員外郎章俞可職方員外郎制

勅其爾以藝文之學政事之材所更滋多皆有善最三載考績法當進遷往踐厥官愈其思勉可

韓繹可職方員外郎制

勅其三歲一遷審官取吏之常法也然非智謀忠力能舉其職事者亦何以稱此哉爾績德善之慶而以藝文自奮施於吏政強敏有聲膺此寵榮其知勉矣可

都官員外郎劉牧可職方員外郎制

勅其朕置使者以察諸路而選才士以佐之爾行義智能
比見稱述徃其職事會課當遷懋勉厥勤以稱官使可

都官員外郎王易知可職方官員外郎制

勅其爾久於試用常以才稱出守一州可有為矣而有司
會錄當得進官徃既厥心以祗子訓可

屯田官員外郎謝景初可都官員外郎制

勅其周官司土三歲則稽士任進其爵祿而方今審官之
法用正爾名臣之子操行條潔文學政事有稱於時審官
序勞當以時進徃踐爾位厥維懋哉可

屯田官員外郎何世昌可都官員外郎制

勅其尚書之寶多廢矣而部位尚為朝廷所重爾藝文操

行政事之材推太進遷以至於此出佐州治論功應條致
序中行徃其祗服可

屯田官員外郎陳安道可都官員外郎制

勅其士夫奉法循理以共厥服至於三歲而無咎罰其可
無進遷之法以慰勉之哉爾藝文起家而行義脩飾比更
器使實以才稱徃服寵章愈其思勉可

屯田官員外郎晁仲約可都官員外郎制

勅其優善錄勤朝廷之政爾清明敏達士類所稱典治一
州風政彌劭有司序績當得進遷徃服寵章愈其思勉可

屯田官員外郎唐謹可都官員外郎制

勅其爾藝文行治進有可稱為郎尚書三年於此矣職事

之最法當進遷愈其懋功以對新命可

屯田員外郎林大年可都官員外郎制

勅某士之有為者豈必慶賞而後勸哉然黜陟者勸世之通法而為天下者所不能廢也爾被文奮德從政有聲會課當遷序官一列徃其勸勉膺此寵榮可

太常博士胥元衡可屯田員外郎制

勅某仕於朝廷者有勞而無罪至於三歲則遷位一等所以明有勸也爾名臣之世行義脩飭以才自備從政有稱徃服寵章愈其思勉可

太常博士李處厚可屯田員外郎制

勅某爾政事之材藝文之學潔身慎行皆以有稱試諸利

權是亦煩使序功錄最當得進遷列職南宮徃其應服可

北員外郎呂元規可駕部員外郎制

勅某褒善錄勤邦有常法爾護軍穉將邊漕悉心營職才謂見稱會課序遷徃其祗服可

吳充轉官制

勅某士之好德樂善而無私則爵賞有不足以勸焉而爵賞固不廢乎無求之節爾文章行義政事之實士友之所服朝廷之所稱然方試爾于外以觀爾為而審官上爾歲月之勞法當遷位一等此雖不足以為爾勸而天下至公之法不可以廢者也徃其懋承之哉可

劉敞轉官制

勅某德善錄最朝廷至公為吾近臣銓法當陟具官某文章博美政事詳敏傍通道德之意躬行仁義之行久於侍從實允詢謀付以方維又能鎮撫甄序乃績進遷厥官朕命惟休尔其祗服可

劉養等轉官制

勅某官所以制祿位之事職所以叙才分之宜視職之廢率與行之失得而為其官此吾為天下立法以廢置賞誅之大躰也善持其行而無失脩其職而無廢三年於此矣不可以徒置也宜有賞焉序進一官往欽乃服可

王伯恭轉官制

勅某方今仕於朝廷者率三歲而一遷論者患其不足以

勸功然日月久矣能祗慎不怠免於罪悔則亦宜有以褒嘉此朕所以使爾得遷之意也士之為義蓋有常心何必利焉然後知勸可

王允轉官制

勅某爾能誦先王之言以得祿位施於有政又以才稱丞于殿中歲月久矣博工之選儒者所宜以為爾官其往祗載可

李正臣轉官制

勅某書曰欽哉欽哉惟刑之恤哉此吾所以建審刑之職而擇取智能之士以為詳議之官爾以藝文起家又能明習法令靖共厥位有伐當遷姑使序于太常而仍其覆讞

之事往為審克以稱欽恤之意可

劉叔寶轉官制

勅某士之脩身慎行宣力四方豈可以取爵祿之報哉蓋其志有以謂義當如此然而爵祿必稽行治勞烈而加為今吾序進爾官以有積功之實義不可以無報也在爾自為則欲知夫義當如此而無忘乎宥利然後可以事君往其勉哉尚有終譽可

新刊臨川王荆公先生文集卷之五十

